



14. november 2023

Inatsisartut ingerlatsinermut maleruagassaasa § 37 imm. 1 tungavigalugu Naalackersuisunut ukuninga apeqquteqaateqarpunga:

**Naalackersuisunut apeqquteqaatit:**

1. Naalackersuisut qanoq isumaqarpat, innuttaasut amerligaluttuinnartut **privaatimik aningaasannik katersuiniartalerannut eqqortumik peqqissutsimut passunneqarnissartik anguniarlugu?**
  - a. Amerligaluttuinnarnerannut peqqutaasinnaasunut Naalackersuisut tungavissiisinnaappat?
2. Naalackersuisut qanoq isumaqarpat, qanigisaasut meeqqanut, Peqqinnissaqarfiup kukkuluttorneratigut toqusimasunut, naapertuilluernerunissamik neriuuteqarlutik, inatsisilerituunik akisoqisunik pissarsisariaqarsimanerannut suliakkiissutiminnik suliaqartussanik?
3. Naalackersuisut isumaqarpat, maannakkut napparsimasut naammagittaalliortarfiat naammaginatumik ingerlasoq?
  - a. Aggvaqatigiisillugu napparsimasup naammagittaalliuutaa qanoq sivistigisumik suliarineqartarpa?
    - i. Naalackersuisut akissuteqarnissamut piffissarititaasoq iluarisimaarpaat?
  - b. Qanoq akulikitsigisunik, napparsimasoq naammagittaalliumminik taparserneqartarpa?
  - c. Naalackersuisut iluarisimaarpaat inuit naammagittaaliorusuttut siunnersorneqarsinnaanerit, aqqutissiuunneqarsinnaanerit tapersorneqarsinnaanerallu?
4. Naalackersuisut suliniutinik aallartitsinissamik pilersaaruteqarpat, Peqqinnissaqarfimmi napparsimasut naammagittaalliortarnerinut pitsannguutaasinnaasunik?
5. Suliamut soqutiginaatilinnik allanik Naalackersuisut paasissutissiisinnaappat?

(Inatsisartunut ilaasortaq Bjørk Lange Olsen, Demokraatit)

**Tungavilersuut**

Peqqinnissaqarfimmut ilungersoqaaq. Annertuunillu ajorluinnartunik kinguneqarpoq, innuttaasullu Peqqinnissaqarfimmut tatiginninnerannut ajoqutaaqataalluni. Inoqarpoq, nunarput qimallugu nuuttunik peqqissutsiminnik pitsaanagerusumik ikiorneqarniassagamik. Taamaattoqartariaqanngilaq.



Facebook-ikkut allatigullu takuneqarsinnaavoq, malittuinnaq aningaasanik katersuiniartoqartoq Peqqinnissaqarfitsinni passunneqarneq imaluunniit passunneqannginnermik tunuliaqutaqartunik. Uani soorlu assersuutigalugu eqqarsaatigaakka inuit napparsimasut, aningaasanik katersuiniartut Danmarkimut angalanissamut passutsikkiartornissamut soorlu assersuutigalugu amerluttut, maani nunatsinni pitsaasumik ikiorneqarsinnaannginnamik.

Kingullertigut ataasiaannarata takuarput angajoqqaat imaluunniit soqutigisaqaqatigiit, aningaasanik katersuiniartut napparsimasut taarsiivigineqarnerannut ilisimasalinnik inatsisilerituunik sulisitsinissaminut, sulianut alianarluinnartunut meeqqanut, Peqqinnissaqarfimmi passunneqarnermik kingorna toqusimasunut.

Isumaqarpunga, takussutissaasoq, ajortoqarluinnarneranik. Ilumoorsinnaangilaq, inuiaqatigiinnit taamatut sumiginnaasoqarsinnaasoq. Tatigisariaqarparput, Peqqinnissaqarfitta ikiorsinnaagaatigut, pisariaqartitsiffitsinni. Tatigisariaqarparput, napparsimasut naleqquttumik ingerlalluartumillu naammagittaalliorfissaqarnerat, kukkusoqassagalarpat. Tamanna tunngavigalugu ilumoorsinnaangilaq, akulikilligaluttuinnaartumik takusaleratsigu, inuit allatut ajornartumik privatimik aningaasanik katersuiniartarnerat naammaginartumik peqqissutsikkut passunneqarnissaq anguniarlugu imaluunniit Peqqinnissaqarfimmiit kukkusumik passunneqarsimanerup kingorna naapertuilluarnerusumik kinguneqanissamik ujartuinnermut.

Apeqqutima ullut suliffiusut qulit iluanni akineqarnissaat qilanaaraara.